

Dumonda da la fracziun da la PS concernent la situaziun da la Repower ed il mantegniment dals interess dal chantun Grischun

Tras la nova structura d'acziunaris, tras il project Futuro e tras la nova orientaziun fundamentala da la Repower è la situaziun sa midada considerablamain ils ultims mais, er per il chantun Grischun sco anteriur «acziunari principal». L'ambient da la politica d'energia e da l'economia d'energia è ultra da quai caracterisà d'ina gronda dinamica. Intgins svilups dals ultims mais na sa laschan anc adina strusch valitar. La nova orientaziun ed il mantegniment dals interess a lunga vista è in sfida.

Da quai resultan las suandantas dumondas:

1. Co giuditgescha la regenza las pussaivladads da mantegnair a lunga vista ils interess en il rom da la nova structura d'acziunaris e cun ina quota dal chantun Grischun da mo pli ca. 22 %?
2. Tge effects ha la nova situaziun da la Repower per la tematica dal return als concedants? Vesa la regenza – sut las novas cundiziuns generalas – in engrevgiament per mantegnair ils interess dal chantun e da las vischnancas areguard il return als concedants?
3. Co giuditgescha la regenza la situaziun dal personal tar la Repower ed en spezial la segirada da las plazzas da lavur a lunga vista en la «periferia»? Tge mesiras èn necessarias per pudair tegnair er las personas spezialisadas correspondentas en il Grischun?
4. Pervia da sias faussas valitaziuns ha la direcziun operativa da responsar ina part considerabla dals resultats dischagreabels dals ultims onns. È la regenza da l'avis che la cumposiziun actuala da la direcziun operativa saja – sut quest aspect – empermettenta per realisar la nova strategia?
5. Dapi l'onn 2012 è la valur dal pachet d'acziuns dal chantun sa reducida per ca. 260 milliuns. Uschia è pia vegnida «destruida» facultad dal pievel en l'atezza da 260 milliuns. È la regenza da l'avis che l'atezza u schizunt l'augment da las indemnizaziuns per il CEO e per la direcziun strategica da la Repower sajan acceptabels sut questas ensainas?
6. Constatti che la participaziun da la Repower a l'energia nucleara ha chaschunà problems cun ils novs acziunaris? Existan en quest regard consentiments finanzials d'ina moda u l'autra da vart dal chantun?
7. Co giuditgescha la regenza la liquiditad da la Repower e datti u devi stentas per agids transitorics dal chantun?
8. Exista – sco gia tar l'anteriur acziunariat – in contract d'obligaziuns per acziunaris tranter ils novs acziunaris gronds e co giuditgescha la regenza il fatg ch'i resulta uschia ina restricziun da la flexibilitad?

Cuira, ils 30 d'avust 2017

Pfenninger, Deplazes, Atanes, Baselgia-Brunner, Bucher-Brini, Cahenzli-Philipp, Caviezel (Cuira), Gartmann-Albin, Jaag, Locher Benguerel, Monigatti, Perl, Peyer, Pult, Thöny